

տականները, օրինակ եգիպտոսները, բայց մանա-
 ւանդ հայերը, որոնք սոսկական ազանդի չեն
 վերածուել, այլ շարունակում են ապրել որ-
 պէս ազգ, իսկապէս որ օրէնքից դուրս են գըտ-
 նըւում: Եւրոպացու հոգեբանութեան համար
 անհասկանալի է — բայց փաստ է — թէ ինչ-
 պէ՛ս թուրքը կարողանում է առանց հոգեկան
 յուզումի իսկ՝ քրիստոնեայ մորթել: Այնպիսի
 անտարբերութեամբ է նա քրիստոնեայ երե-
 խաների կոկորդը կտրում, ինչպէս՝ ոչխարի
 կոկորդը: Քրիստոնեայ կանանց եւ աղջիկնե-
 րին էլ նա անդթօրէն անպատուելի դիտէ այն
 «բարձր» գիտակցութեամբ, թէ Ալլահին հա-
 ճելի դործ է կատարում:

Այս պայմանների տակ՝ իսկապէս հրաշք
 է, որ դեռ հայեր կան մեր օրերում:

Տաճկաստանում իշխող դրութեան հետե-
 ւանք էր, որ արծարծուեց հայկական հարցը:

«Ռուս կառավարութիւնը — ասում է Մ. —
 կրկնակի ջանքեր արււ՛ հայերին ազատել
 տաճկական լծից, կամ դոնէ թեթեւցնել նրանց
 վիճակը: Անդլիան հրեայ Դիզրայէլի ձեռքով
 պատուեց Սան Ստեֆանոյի դաշնագիրը, թէեւ
 նրա փոխարէն Բերլինի վեհաժողովում հայերի
 օգտին 61-րդ յօդուածը խմբագրուեց»:

Պոստացուած բարենորոգումները թաղե-
 լու համար՝ Արտուլ Համիտը քրդական համի-
 տիէները ի կենսն կոչեց եւ այդպիսով քրիս-
 տոնեաների ստրկացումը պետականօրէն կազ-
 մակերպեց: Եւ նա այդ բանում յենուեց իսլա-
 մի հովանաւոր Վիլհէլմ Բ. ի վրայ: Ապա եկաւ
 Ռուսաստանի եւ Անգլիայի նենդ հակամար-
 տութիւնը:

«Մահմանադրութեան» հռչակումից յետոյ
 եւս, օսմանեան պետականութիւնը հաւատա-
 րիմ մնաց իր կարգախօսին — հայ որ չմնայ,
 այլեւս հայկական հարց էլ չի լինի: Տեղի ու-
 նեցաւ Ատանայի ջարդը: Երիտասարդ թուր-
 քերը 1910-ին Սալօնիկի կուսակցաժողովում
 դադտնի որոշում կայացրին՝ Տաճկաստանը
 «մաքրել» օտար տարրերից եւ մանաւանդ քը-
 րիստոնեաներից ու գուտ ազգային տաճկա-
 կան պիտակին դարձնել այն:

1913-14-ին խոստացուած բարենորոգում-
 ներին եւս տաճիկները առանց յետին մտքերի
 չէին տուել իրենց համաձայնութիւնը: Այդտեղ

Մարքվարտ ամենարուճ յարձակման է են-
 թարկում նաեւ ժամանակի դերման արեւելեան
 քաղաքականութեան դեկավարներին, մեղսա-
 կից համարելով նրանց Տաճկաստանի նենդու-
 թեանց ու հայութեան դժբախտութեանց:

Անցնելով համաշխարհային պատերազմին
 եւ հայկական եղեռնին, Մարքվարտ հիմնուե-
 լով բազմաթիւ վաւերական աղբիւրների եւ ա-
 կանատեսների վկայութեանց վրայ՝ խստօրէն
 ձաղկում է ոչ միայն Տաճկաստանը, այլ եւ
 նրա դաշնակից Գերմանիան, ինչպէս նաեւ
 դերման տաճկամոլ թերթերի բռնած դիրքը:

Այդ ամենից յետոյ — ասում է Մ. — գոնէ
 այժմ «մենք (գերմաններս) աղտուօրէն ու ան-
 վերապահօրէն ջանանք մեր օղնութեամբ կա-
 տարուած սոսկալի եղեռնի հետեւանքները
 մեղմել»:

Եւ — 1918-19-ին էր այդ — Մարքվարտ
 առաջին հերթին պահանջ է դնում՝ Էնվէրին,
 Թալաթին եւ միւս մեծ ոճրագործներին ան-
 միջպէս արգարադատութեան ձեռքը յանձ-
 նել — Հայաստանի Հանրապետութեան եւ կամ
 Դաշնակիցների միջոցով:

Մեր պարզամիտ գիտնական բարեկամը —
 բայց ինչո՞ւ միայն նա — չէր էլ կարող այն
 ժամանակ մտքով անցնել, որ Վիլհէլմեան Գեր-
 մանիայից էլ հազար անգամ նենդ ու վատթար
 Դաշնակից պետութիւնները — Անգլիան առա-
 ջին հերթին — միայն յետագայ սակարկու-
 թեանց համար ձեռք պիտի պցէին մի շարք
 թուրք ոճրագործներ (Մալթա), նրանց փո-
 խանակելու համար սեփական գերիները հետ
 եւ կամ պարզապէս արժէքաւորելու նրանց ան-
 ձը՝ Հայաստանի եւ հայութեան հաշուին:

Ո՛րքան դառն են հնչում այսօր մեր աշխա-
 ջին, օրինակ, այսպիսի խօսքեր.

«Նախ եւ առջ Դաշնակիցների — Ռու-
 սաստանի համար պատույ պարտականութիւն
 է՝ բռնաբարուած իրաւունքը (հայոց) վերա-
 կանդնել, քանի որ հայերը նրանց դրօշակի
 տակ են կռուել քաջօրէն: Անգլիան այդ անել
 պարտաւոր է մանաւանդ այն պատճառով, որ
 նա է ժամանակին պատուել Սան Ստեֆանոյի
 դաշնագիրը, որով եւ նա է Բալկաններում եւ
 Հայաստանում պատահած դէպքերի գլխաւոր
 պատասխանատուն: Անգլիայի վրայ յատկա-